


Lo tin Parada Cultural...

Preparando Diadomingo awor pa "Dia di Brazil"



ORANJESTAD (AAN): Gruponan rond di Aruba ta uni na e Parada Cultural di Brazil. Dia 6 di september, ta e celebracion oficial di e "Dia di Brazil" ya for di mainta 9:00 or ta cuminsa cu e "Mercado di Brazil" cu ta sigui te den ora nan di atardi. Ta bay tin tent di cuminda crioyo, remedi di tera, cos dushi, mata, etc. den e "Mercado di Brazil". Despues pa 3:30or atardi ta start sali e grandioso Parada Cultural Folklor cu ta di 5 aña cu gruponan folclor cultural ta subi caya.

Cada aña esaki ta bira mas y mas grandi, pasobra tur esnan cu ya a participa den esnan anterior ta sigui invita mas famia y amigonan pa participa, pasobra esaki ta algo di nos Aruba. E parada ta pasa den Bario di Brazil, Mabon, Rooi Kochi y Noord Cura Cabay. Loke ta di admira y aplaudi ta cu e parada cultural di bario Brazil ta worde sostene pa varios otro grupo di tur distrito, pasobra nos tur ta sinti cu mester sigui promove nos cultura.